

平湖縣志卷二十

署知縣張力行纂修

外志

五行志于史策稗官家流作叢談雖其文瑣碎
薦紳先生難言之要亦古今得失之林也

皇朝太和翔洽休嘉滋至百齡人瑞一產三男徃徃
而有以視前明之疾風甚雨倭警頻仍豈非判
若霄壤其他畸人異蹟可廣見聞踵舊事益網
羅之非徒爲嬉春消夏之資倘謂紀載之支流

平湖縣志

卷二十

外志

禳祥

一

餘裔亦誰曰不宜志外篇

禳祥

明

景泰元年正月大雪二旬間有黑花凝積至丈
餘民多饑死鳥鵲幾盡是夏淫雨傷稼大饑

二年夏旱大饑斗米百錢道饑相望

五年二月大雪四十日不止平地數尺民間房
屋俱壓毀六月大疫死者相枕

天順四年五月大水傷禾稼

六年大旱鹽運河竭

成化六年正月大水無麥

十二年十二月恒寒冰凝踰月舟楫不通

十五年九月二十日地震尋倭寇乍浦

正德四年夏旱七月七日雨驟至如注下至十月不止禾腐爛民大饑

五年大水傷稼民苦饑流移者半

六年春夏大疫死者枕籍

十一年夏地震

平湖縣志

卷三

外志

譏祥

二

嘉靖二年春夏大饑

三年二月十五日夜地震夏秋米騰貴

七年十月十二日地震

八年秋蝗不傷禾大水傷稼

十七年禾蹲米價涌民饑死

十九年大旱飛蝗蔽日食稼民大饑

二十三年大旱禾蹲無收米價騰貴至二兩一

擔民食草木

二十四年夏大疫饑殍盈野塞河魚族腥穢不

可食

三十年李樹生王瓜諺云李樹生王瓜百里無人家已而倭寇剽殺甚衆

三十一年有鴛鴦飛集于屋

三十四年九月初八日未申時有青黑紫色如日狀者數十與日相盪俄而數百千萬彌天者半逾時向西北散去

三十五年三月地生白毛又有黑者形如亂髮五月河濱有血涌如泉如是者三四處十月二

平湖縣志

卷三

外志

祥祥

三

十日天鼓鳴于西北

二十七年有馬道人爲孽嘉湖間翦楮爲兵焚劫地方分遣徒黨徧哄村郭男婦深睡時卽爲所壓遠近大閩各戶多懸籛籛籛籛四字以厭勝之訛言妖祟逾三四月始息

三十九年地震自西北頃刻遂止

四十年靈雨大水禾多渰死

四十二年秋施武略墓前水涌如潮諸港徹底奔赴繞墓水高數尺踰時乃復是日大學士鳳

來生

隆慶二年民間訛言選宮女旬日間嫁娶殆盡甚有不待媒妁送女入男家者又傳欲取孀婦入浣衣局向來守節者多改適去

三年十一月二十夜地震

四年三月湯山陳山發赤光燭天

萬歷三年五月朔日食既午中星斗盡見六月海嘯廬舍漂沒

五年九月二十八日西南有一星甚大衝出紫

平湖縣志

卷三

外志

祥

四

氣彌天

七年四月大水

八年閏四月大水民饑

九年方伯張大忠家廳柱石盤上忽產一九莖紫芝高數尺用鐵籠罩之大張筵賞後年餘張卒

十四年秋霖雨

十五年大水風拔木

十六年旱無穫饑死無算秋有白龍騰海上紅

光半天空中遙見龍首下垂鱗甲奮張晃晃若磨銀兩角間有金冠紫衣仗劍立者其神長尺許雲水騰沸咫尺晦冥龍忽戲吐頷下珠光芒團圞大如斗粲粲似中秋月頃之遂收約在墻院前水中東湖水盡涸學前樓屋石坊俱壞空中拽人舟而騰有不知去向者

十七年大疫積屍滿道河水不流

十八年冬霖雨三月不止稻腐不收

二十一年夏有大星隕于新倉化爲石聲聞數

平湖縣志

卷三

外志

祥

五

十里光徹遠近

二十二年八月有黃色牝雞三足後有兩竅各自生卵

二十九年五月二十四日南門人獲白龜有角歲餘又獲一鼈背紋有流落江湖四字好事者買而放之

三十二年十一月地震

三十四年春學宮前平地涌出醴泉清芬不竭三十五年四月初四日有黑光如日者數十與

日相盪

三十六年五月二十四日黑赤光與日鬪二十七日黑赤日復鬪是年大雨累月不止室廬俱壞田可行舟非極高阜處則粒米無收

四十年夏大疫

四十三年七月十八日天裂

四十七年三月初黃霧四塞者再至對面不相見

四十八年春地震四月施太史僕家公雞生子

平湖縣志

卷三

外志

祥祥

六

形如雀卵色紫

天啟元年春訛傳選宮女爭相嫁娶

二年二月二十四日飛沙蔽天聚沙成堆其氣甚腥日出無色

三年十二月二十二日申刻地震

四年正月十一日雨色如黑水二月三十日日無光旁有黑日摩盪初止二三後至十百計如是者月餘

五年八月初一日白晝星見月旁

六年七月初一日大風拔木霖雨如注室屋俱毀兩晝夜方息

崇禎元年七月二十三日大風海溢壞獨山等處民舍數百廛湖水成鹵夜有浮光若星

四年十月二十日天鼓鳴

五年五月至七月不雨六月二十日黑虹見

六年六月二十五日大風拔木學官圮石坊倒者十有三居舍咸毀

七年蝨害稼

平湖縣志

卷三

外志

禩祥

七

九年六月丙子夜有星大如斗色赤芒耀約十丈自西南流而東聲若雷

十二年春梯雲橋北肉肆王瑞巖家雞生一卵甚大破之中又有一卵殼甚堅

十三年四月初八日雨徹一晝夜至五月初九日禾稼淹沒十七日復淹米每石三兩

十四年夏大旱三月不雨五月二十八日飛蝗蔽天道僅相望不逞輩伺有孤行者剽奪之周城外絕人來往

十五年夏秋大旱積屍橫道朝所見屍及暮見之非復前屍矣

十六年夏大旱民不堪饑相率而掠有米之家逼糶官米

十七年二月初一日白虹貫日

國朝

順治二年六月終夜流星往來如織

六年孝廉陸濬睿家廳前開雙頭牡丹

八年旱饑秋米價騰貴每石四兩五錢

平湖縣志

卷二十

外志

祥祥

八

十三年秋大水入室夜臥醒多不知履所在

十四年方伯陸之祺別業中生並蒂蓮花

十五年八月初九初十日連晝夜大雨平地水深二尺

深二尺

十六年夏黑眚見

康熙六年冬石米四錢五分

七年正月二十七日戌時白虹見西方六月十

三日太白經天十五日晝星見六月十七日戌

時地震白毛生

八年大雨七八日不止水沒行路

十一年秋禾自枯死如席如箕如笠鄉人名箬帽瘟

十二年韓家帶民家鷄雛生四足四翼九月太白經天

十五年四月養濟院瞽者與妻行乞于市懷一男頭大如斗每出閱索施三文

十六年雅山虎傷人畜斃之

十七年六月十二日青氣經天

平湖縣志

卷二十

外志

祥

九

十九年八月初二日雅山裂石起蛟大雨水溢乍浦海濱斬蛟一段氣甚腥其大如箕節骨可作春臼十月初四日彗星晨見東方十一月初一日復見西南蒼白色尾長五六丈

二十年正月二十三日子時大雪雷電

二十一年四月初四日張婆灣沈姓產一男勢生于額腎囊在腦後口僅一小圓竅三目豎其一怖而溺之

二十二年二月大雨至四月不止無麥

二十三年八月初四日戌時雨後九頭鳥千百其聲徹夜昧爽翔空若羣鴉狀自北南去競以爆竹逐之是秋人多河魚疾

二十六年四月晦大易齊景二鄉暴風雨冰雹大如升次如拳擊春田所植罄盡

二十七年六月十八日未時日旁有五色雲環繞俄頃卽散遠近喧傳日華

乾隆二年九月二十六日新倉監生徐士穀妻張氏一產三男

平湖縣志

卷二十

外志

機祥

十

恩賞銀九兩二錢

三年壽婦平宋氏一百一歲

恩賞建坊銀三十兩及內府緞一疋銀十兩

按機祥一門高志已無增續僅附三男百歲兩條今悉仍其舊蓋不但歷年久遠傳聞異詞難以徵信抑且聖世不言祥瑞亦罕氛祲間有水旱又復頻邀蠲賑民不苦災故獨無所附益云

叢說

至元間普照寺翦鐮工見道上一荷葉舒卷不已一人拾置懷中去叩之乃至元鈔三十文夏

氏僕嘗見小花蛇盤旋道左行人取而藏諸袖問之乃至元鈔二十文

屠康僖爲比部郎建恤刑之議命下夢神告之曰汝命無子恤刑陰德甚重上帝錫汝三子皆衣紫腰金是後連舉應垣應坤應垓皆通顯孫僉事璽爲諸生時五色批評通鑑綱目忽有蟾蜍蹲其上珍蓄久之孫氏科第始此

趙掌垣漢佃戶陸大朴野勤儉頗足衣食忽有由拳捕兵數人擁入其家以盜攀害拷掠追索

平湖縣志

卷三

外志

叢說

十一

不勝其楚罄家所有悉與之猶不足則賣田房以贖中不勝憤控監司行縣追問陸素訥不能質對趙付以詩云自昔只聞人捕虎于今駕虎徧傷民何時得向龔黃語除盜先除捕盜人且戒之曰慎勿洩候質對時出此陸如其言遂得直捕兵追賊發戍

屠諭德應垓欲治一僕怒甚僕求解于夫人夫人笑曰可置一大魚來莫測其旨應垓嗜魚見而詫其肥夫人從旁嘆曰但水寬耳僕竟免

馮祐山汝弼任工科時汪鉉爲冢宰科道交彈汪猶奏辯不已馮疏七上是夕夢逐一惡少過橋橋爲所斷馮佇立良久不得度有人從橋下操舟葺橋則窗外雞鳴矣同年潘十泉子正時在刑科上疏之夕夢一大缸缸內大黑魚一小魚數十大黑魚翻身一躍缸水皆渾小魚爲其所吞吞而復出若死若生者數枚有頃始甦不甦者二枚大黑魚亦死時汪復上疏力訐馮疏留中者三日衆慮上意不測屠侍讀應垓謂馮

曰昨上置公本于几上連看數次怒形于色急召閣老李序菴時費鵝湖宏入上大聲曰如何不與處分二老進曰臣等待他自陳上大怒連叫曰他肯自陳他肯自陳汪不得已疏上翼日旨下汪罷去科道交章者十人受廷杖流者二人薛宗愷曾翀而馮及翁溥等八人俱謫外汪尋死

陸莊簡少時館于陶氏夜夢三神昇火器至前曰祝融將有所做以公在薄其罰語畢燄起莊

簡力懇曰第及三舍不旁延也翼日果燕三楹
嘗渡江遇疾風舟幾覆肅衣冠自訟須臾若有
物曳舟者抵淺洲免焉自是遂戒牲庖

張大忠爲嶺南方伯萬歷辛卯九月棘園事竣
將奏計闕下挈家口還浙江路出贛州其姻家
都御史秦燿留宴南贛署中所攜妾媵二十四
人封鎖西水驛內其夜浮雲方散明月漸升半
空中有瓊筮錦衫藍帶一人執黃傘下厲聲曰
某奉天帝命來召張布政去遂留傘于庭復騰

平湖縣志

卷二

外志

叢說

十三

去舉家大慄夜半方伯還具白其事大駭曰頃
於御史所失去黃傘卽此也未幾疾作不數日
死姬人悉散去

陳員嶠泰來年十九登第欽賜蓮花燈歸娶時
同年劉抑亭爲湖令贈聯云秋進士聯春進士
大登科後小登科婚之夕夢至一山羣仙畢集
共賦詩云涼風拂拂白雲收宦海茫茫恁日休
翦紙作驢輕撥刺桃花洞口笑淹留樂甚旁有
仙曰汝乾凌子也辰後一年當會于此遂自號

乾凌子

屠官諭應垓居秋涇橋有鄰人負其子孟元銀不能償以屋基及小塋抵賣孟元不肯受曰汝欲賣房與墳當另酬汝直前銀不追也鄰人感之以實訴云房實值若干前因退債故多寫今若還價不敢多領孟元高其義曰汝不讀書尚知禮義不欲虛受我值我敢見利忘義耶固與之及官諭歸鄰人來致感謝官諭驚曰爾房已賣爾何居曰移某所矣呼孟元檢契還之且葺

平湖縣志

卷二

外志

叢說

十四

墓戒家人毋相侵犯今其墳尚在屋旁

倭爲湖患自正統七年七月寇乍浦始八年六月又來寇百戶徐榮戰沒殺官軍路德等大掠而去成化十五年復寇乍浦嘉靖二十四年倭賊四十餘突至包家埭二十五年五月漳寇及崇明寇犯乍浦金家灣軍士陳馬兒等死之二十七年十月又掠包家埭此皆海寇入犯之小者至三十二年而禍始劇是年四月二日首犯海鹽自竹林廟經平湖典史喬登父子率兵壯

邀擊遇害生員張洽請兵于知府劉懋募水兵
沈應奇等應援時湯帥克寬鎮鹽賊圍鹽三夕
以城有備遂揚帆住乍浦會大雨城陷千戶王
鏜率其子罵賊死指揮陳善道百戶陳綬冠帶
總旗張儒皆死之屠戮姪掠極慘是時平湖無
城推官殷廷蘭署縣事倭船泊獨山登岸直抵
東湖金家莊廷蘭戎服登舟督勇夫捍禦居民
皆執木爲戈聲震如雷賊駭指曰人城也會松
陽令羅拱宸率兵來賊夜遁九月十二日起土

平湖縣志

卷二十

外志

叢說

五

築城是日賊船十餘隻泊乍浦天妃宮湯帥會
叅將盧鏜禦之分兵布觀山等處大戰斬賊首
四十松陽葉千戶嘉興沈隊長死之十一月城
成三十三年三月知縣劉存義蒞任初八日流
賊二百餘經乍教場適處州兵四百新調至饑
憊應敵捐其半四月四日松江賊陸路寇乍舟
泊東湖存義親立堞間一矢殲其巨魁賊度不
克掠焚廬舍而去五月二十日賊過城西陽墩
原調本縣百戶朱璽率兵追及于嘉興戰沒三

十三年五月二十一日有三十六賊自松江來
張叅戎樂把總與戰皆敗總兵丁僅來援賊遁
去匿小營盤巡檢司司有石城賊先積石城上
丁總兵命作木梯可並登十人者凡五具次日
攻城飛石如雨又命射火藥筒百矢齊發賊不
能支城遂下賊入巡司後堂自分必死總兵張
鈇部下四漳兵私與賊約縱之出丁縛四漳兵
斬之賊多漳人是時客兵數千守海鹽每日給
餉五分平湖乍浦守兵費亦如之額外增稅每

平湖縣志

卷三

外志

叢說

六

畝出餉至一分三釐沿海之民膏血罄盡三十

四年二月二十六日賊首葉麻衆六七千自柘
林穴至東湖攻東門勢甚猖獗劉令統率鄉兵
民壯闔城士庶竭力守禦生員陸萬鍾張洽叅
畫鼓勇人無懈意賊不得間擄掠而歸四月二
十日倭犯乍浦五月十五日賊過東湖巢于彭
于梁家遠近悉被焚劫二十八日由廣陳巢于

姚梓家盧帥統兵勦之斬首七十餘皆逃至海

壩陷于塗沙而獲

按籌海圖編云賊犯平湖指
揮李希賢邀擊俘斬一百二

十有奇旣而賊益衆攻城月三十五年二月總
餘始解蓋賊首莊良之踪也
督胡宗憲巡歷海鹽海寧平湖澉乍沿海諸地
練將卒閱城壕稽糧餉踰月乃還三月二十六
日賊首徐海陳東率衆沿海而來欲取乍浦爲
巢劉令疾馳應援大勝斬首五十有五翼日賊
自金山下復萬餘圍乍壞民室爲臺高於城積
薪臺上覆以青麥縱火焚之烟噴入城守卒不
能立城幾陷兵備道劉燾躬督男婦運石擲下
賊稍不敢近旬日外援不至用健卒善水者伏

平湖縣志

卷二十

外志

叢說

七

水從間道馳赴軍門請援四月三日新提督阮
鶚兵至七日圍解燾尾追之斬首一百三十賊
復由乍浦巢于鄰境之呂港日肆劫掠未幾復
攻平湖指揮翟文擊之賊退走指揮劉岱預伏
潘港後追至瓦山皆勝之是月總督遣生員蔣
洲等說賊首汪直內附直遣養子毛海峰與蔣
偕至諸酋所蔣諭以禍福誘之降奏請官職六
月二日賊遣使報如約十七日促各船限二十
五日泊乍浦於是海親詣平湖城下納款二十

五日賊期乍浦看船設浮舖南北相連十餘里
二十九日徐海行出海口見兵船如蜂聚火炮
之聲震海島懼回劄梁莊七月二十九日還巢
乍浦城總督遣劉兵道等運奇設伏合衆齊進
大破之斬首八百餘級死于海者甚衆惟徐海
一支尙在總督擇便地得沈叅政屋處之
沈莊在清溪叅政沈榮私第有新舊二宅相去約三里水週數重可依爲險徐海居舊宅是爲東巢葉麻陳東之黨居新宅是爲西巢猶慮其生變日遣通事三四輩慰藉備至于是海始心安自翦其黨葉麻陳東

平湖縣志

卷三

外志

叢說

六

等以冀輸罪八月朔海入平湖城投欵頓首叩
呼死罪死罪時視師趙尙書文華及督提咸慰
遣之因開關放出初八日海自沈莊遣使持書
抵軍門復乞降且曰願買此宅及田三千畝爲
贍永願投降不渝前盟是時海旣讐諸黨縱得
歸必爲襲擊欲寓茲土見沈莊高做遂注意焉
十一日海見水陸兵各處戒嚴始悟連和爲僞
又悔散黨勢孤乃設酒會鄰以年高者先是日
合四十餘人人設一席殺核豐腆各贈席金而

散次日亦如之壯夫赴席者至二三百人酒半
出刀翦髮髡其首咸劫爲用十六日乍城使使
至海巢海拘留之十七日軍門遣使至并斬之
連和之路自此塞矣十九日漏二鼓海遣送二
愛姬出巢遁葉麻黨深銜海伺於巢側不得出
二十日永保等兵進薄賊巢擒四賊俘軍門二
十三日誘斬賊二十餘人二十四日軍門督諸
路主客兵二十餘枝圍海數重賊發煩以銀塞
煩口火發銀如星飛中人中土中水如雨鳴衆

平湖縣志

卷二十

外志

叢說

十九

不能進軍門令取民家犬數百爲羣被以戎服
以當煩擊復使數人持火雜于羣中驅之以入
賊但擊前犬不知火已四發焚溺無算斬獲二

千餘人

按籌海圖編云時賊巢甚堅難于進攻

義勇劉進首抱火器渡河焚賊巢火熾
賊亂官兵乘之遂大捷進重傷升屋
以死惜無父母妻子故其功莫酬焉是日海爲

讐黨偏殺獲尸水中渠魁既除孽黨無不就擒
矣九月朔設宴百席奏凱論功行賞加秩恤賚

有差

倭寇入犯隨風所之東北風猛則由薩摩

或由五島至大小琉球而視風之變遷北
多則犯廣東東多則犯福建正東風猛則由五
島歷天堂官渡而視風之變遷東北多則至烏

沙門分鯨或過韭山海關門而犯溫州或由舟山之南而犯定海象山奉化昌國台州正東風多則至李四畧壁下陳錢分鯨或由洋山之南而犯臨觀錢塘或由洋山之北而犯青南犯太倉或由南沙而入大江則犯瓜儀常鎮或由大洋而風歛東南也則犯淮揚犯登萊若在五島開洋而南風方猛則趨遼陽趨天津按洋山卽羊山青南者青村南滙也乍浦在青南錢塘之間故犯此二處者往往流突而至而羊山尤爲衝要云

劉存義令湖時倭寇城急思城上懸燈風雨吹爛且苦燭寡令鑊工作薄鐵板斲薪木以瀝青灌其上爲長鈎墜城腰上置木板遮覆瀝青遇風雨益熾不添燭而火光亘長夜且城上望城下如晝城下望城上如漆

平湖縣志

卷二十

外志

叢說

二十

沈坤居湖之西麓家頗饒不爲產業計學文不就去學武嘉靖間以門戶充役集收銀米遇歲饑死者相枕坤悉散家貲并所收銀米以療饑民官督之茫無以應甘罪獄中會倭卒臨城總督胡公募勇敢之士聞坤名出獄留幕下議論頗當胡意一日倭戰王江涇我軍失利胡亦被圍坤子惟敬甫弱冠單騎突圍中挾胡而出胡益愛重坤受職千總部兵三千父子設計僞裝

犒軍官滿載藥酒手執公文經倭營而過度倭追將近父子棄舟渡水走倭得酒喜甚爭飲死者無算

陳馬兒者乍浦軍人嘉靖間倭犯金家灣指揮方泰射中一倭追之墜馬而傷馬兒扶泰上馬與敖鎮護從一倭刺馬兒不能中一倭刺鎮仆之馬兒救鎮起復有二倭至同刺馬兒鎗及身馬兒以脇夾其一以足拉去其一一人敵四倭戰甚力援絕至山半自擲下足陷石窰中被殺

平湖縣志

卷二十

外志

叢說

三

泰爲文祭而瘞之

嘉靖間倭寇散掠村落有三倭入獨山民王姓家刃方加王頸犬忽嚙倭股倭負痛釋刃王急走得脫兩倭其逐犬里許殺之

虹霓堰民金錫遇倭警棄周歲兒汝礪于卧榻下以薪窒之倭突至有僕郭助匿于梁見倭去薪以矛刺牀下者數四不中汝礪後官真定守萬歷辛亥元旦過滕縣沐浴焚香袍笏端坐令入謁則曰今日與君別令駭問故曰我一生爲

官清正上帝命作揚州城隍役輩已來迎矣揮
手坐而逝

乍浦東門內有城隍廟嘉靖中倭陷乍城神率
鬼兵從廟門出倭遇而追之入廟看竟無有羣
倭因羅拜神前止殺有民匿池葦中親得其狀
云

嘉靖初南寺未廢有一游僧放達自得常于寺
化墨年餘聚無算一暮忽于殿中白壁上書五
大字曰心虛靈之覺字徑數丈筆法遒勁初不
知墨汁貯于何器用何物作筆也晨起相驚失
僧所在

平湖縣志

卷二十

外志

叢說

三

嘉靖丙戌有僊附乩降于平湖之錦川自稱呂
洞賓能懸筆作詩書畫極工請事者無虛日衆
因翔仙觀諸木俱集而少正梁乩書云吾自取
來夜半見基畔飛至古木一枝乃梅樹也取爲
梁不踰尺寸月夜時聞音樂隱隱在花影樹梢
間一日馮小山在坐仙出一對曰楊柳株株蛙
馮莫能答仙曰蓮房孔孔空衆嘆奇絕搆放鶴

亭四壁詩畫皆僊筆也書扁曰梅溪草堂字勢
飛舞

嘉靖末有方士寓沈太史懋孝挾一木神稱卓
少仙長二尺許紫袍冠帶綽有威儀備小桌椅
坐臺上揖讓言笑如生談詩論文壘壘可聽能
知未來事時懋孝未第方與談謔間忽指門外
曰貴同年至矣則馮敏功也後果同榜

維揚鹽商史某少有文譽好恃才傲衆商啣之
誣其不法于麻邑觀察蔡公適同年陸考功志

孝過蔡語及陰釋之陸後轉倅黃州將于維揚
購媵爲主器計偶至一家見其祠堂木主有志
孝名大詫問故卽史翁也翁出率家人羅拜願
以弱息屬箕帚遂舉二子

萬歷五年十二月十四日劉大尹士瑗一夕夢
關帝曰汝明晨有難可向西南急避明日有木
工莊應山訴事于庭一言不協持斧直上傷一
指急走西南得免工東走衆呼逐至漢水橋樓
上一婦投紡車胷之不得去衆攫而杖殺之

馮祐山汝弼之子名敏勛少慧九歲從祐山過鄱陽舟中指筆架云筆架如山應聲曰棋盤似路又曰蘇家三父子文章可法對曰程門二弟兄德義堪尊惜早卒

萬歷辛卯邑諸生胡士相疾甚至嘔其肺出忽有兩雲水造廬曰非我莫能瘳也出金色丸二服之立起叩其姓曰許曰葛臨別云至錢江重晤已而造江干見一廟供三神像中爲呂祖其左右許葛兩真君卽所見兩雲水也亟取香燭再叩則併廟不見矣是年胡售鄉榜

平湖縣志

卷二十

外志

叢說

二

洪世基有聲庠序嘗以元自負庚子秋獲雋浙場庚戌春應試禮闈初入京邸忽有賣花婦人手把綠蝴蝶牡丹一枝行入大坊曲中世基不覺隨入婦人曰此中搬演戲劇與卿暫留觀之忽見一紫衣幘頭人軍士數隊夾道前驅旌旗龍虎衣裳錦繡中有翠蓋蓋下擁一少年當庭而立逡巡有近侍才人官監之屬手捧大盤盤貯金兜鍪鎖子甲劍履畢備與官人服之服訖

導以鼓樂引而登壇令官人跪聽詔宮監宣詔畢官人起還與紫衣人揖拜然後面南而立軍士皆俯伏聽令婦人曰此漢蕭何築壇拜將事也劇止此卿可去矣言未已聞場上插鼓一聲世基驚寤曰建旗鼓而登壇非佳兆乎及放榜元乃吳興韓敬主司則天官侍郎粵西蕭雲舉也未幾世基卒應化蝶之兆焉

萬歷己酉秋郭生紹儀赴省試卜之籤吉祈夢于墳不吉無所適從叩諸乩示一詩曰卜吉夢

平湖縣志

卷二十

外志

叢說

三五

不吉籤靈夢不靈誰能不由戶居敬以臨民迨入棘圍則誰能出不由戶二句題也果售五上春官不第天啟乙丑登會榜則居敬而行簡二句題云

居民王禮家一日雷震其後園地少陷掘之得雷斧十三事狀似鉞而各異色紫澤如漆

萬歷戊午六月初十夜雷雨大作圖澤居民馬若虛家有布裙在庭中見紅印數十字畫俱天文不可識舉家惶懼請道士以符水經懺禱之

付裙于火火燄騰光中現出佛壽二字佛壽卽渠家僮名也又見雷神露一手手執鼓光怪變異莫測其故後馬亦無恙

崇禎丙子有遠來星士自稱鐵筆道人叩功名者無一許可獨斷倪生長圩爲解元揭曉之夕鐵筆攜樽至倪舍曰與君痛飲俟之遲明報果至

沈孝廉中柱試南官家中百怪交作諸物無故自行有火球圓徑數尺滾于几未幾報捷

平湖縣志

卷二十

外志

叢說

三

楊六府字浩生崇禎時福建布政使陸懷玉以賢良薦授陵水令大書聯于堂曰守伯起家風四知無愧遊剛峰故里百折不回撫軍薦曰端品真儒後以病告歸

事見里人雜記中其行跡無可稽姑附識于此

崇禎六年六七月間海寇劉香連鯨數百將犯乍浦備兵使者蔡公惟立海防楊公泰徵按乍同叅將江之清督兵戍守晝則升旗夜則燃七星燈一樹于觀山巔賊舟及岸鏡炮不絕失利而退時李潛夫秋闈歸見山頂燈恍然憶壬子

歲卜兆于少保墳有北斗見南方之北未幾果捷

崇禎時叅將江之清出汎梁莊見三將軍廟神像圯問僧云需金幾何曰十金足矣歸海鹽忘之一夕夢金甲三神來拜曰公忘前盟耶覺而憶昔所許遣胥持金至廟立命塑之

天妃像乃海中香木浮來所刻春秋時夜出遊燈火輝煌雙行引道或至雅山或至白馬廟戍卒漁人往往見之

平湖縣志

卷二十

外志

叢說

三

陳山寺正殿圯佛像羅漢像被雨淋有徽商夢十八僧來募大箬笠訪至山見像在雨中乃捨箬笠十八仍捐金助修

德藏寺有韋李二天王像欲易四金剛將毀之乃托夢陳山寺僧真秀曰我思來山中德藏僧亦夢二天王辭去陳山僧乃具舟載像不覺其重遂遷至山

邑中沈德培欲爲趙元壇作贊而不得擬議之真夜夢元壇授二語云天策府中元甲隊淮南

節下黑雲都覺字字移易不動

明初盛姓居龍尾山下宅後高阜平之得一碑曰白馬將軍之墓棺已毀惟朱漆僅存觸之卽爲灰燼鏡一枚純綠蝕痕似新月形

王氏墓在陳山將移葬湯山開壙有水一泓小金鯽二尾游其中

天妃宮道士竹英老持齋素死之日見夢于清溪林思巖曰我天妃宮竹道人也今生汝家林覺而異之使問曰方屬續耳旋生子名中芳字

平湖縣志

卷三

外志

叢說

天

佩蘭登天啟甲子賢書官太倉州學正歸塑道人像于殿東廡時掃墓增築焉

正德己巳夏大旱德藏寺僧房掘井纔四尺忽得一石犬少頃黑水泛溢中有小魚數尾僧驚懼掩之

嘉靖庚戌西門外居民姚姓掘竹園中見一古穴磁器無數中忽飛出一物近視莫辨其形遠視宛然一婦人也立竹間須臾躍水而去

吳氏壞墻下掘得銅香爐燭檠一副爐無他異

燭檠則燃燭時燭上有兩龍蜿蜒遊戲且聞奏樂聲後爲有力者取去

萬歷辛丑乍浦城中啟土有鐵甲數萬天啟乙丑啟土見鐵盔數萬叅將疑而揜之

萬歷二十七年圖澤尼庵旁鄉人掘土見一泥龍經數丈鱗爪髮鬚兩角宛然如生城中人爭往觀之各持一塊以歸

萬歷己酉十一月象林蕭令入覲攜歸牡丹一盆以枯竹一枝扶花不數日枯竹生細葉清翠

平湖縣志

卷二十

外志

叢說

三

可觀令公用小紅旗插竹上書曰瑞竹

萬歷乙巳德藏寺蓮開有枝枝上復開花一朶一莖兩枝

天啟乙丑春乍浦王千戶家園中掘土得一小兒長尺許王以爲怪擊碎之棄池中或曰此人參茯苓精也食之可延年王大悔恨車盡池水終無所見

萬歷七年白龍從西北來尾帶乍浦東南城角墮丈餘南門內西偏名南河塘積水一塘約三

畝餘頃刻而盡魚鼈跳躍其中

嘉郡備兵使者春汛例發標兵船十四隻過堰出海協守乍浦萬歷末年一兵自南門出日將夕矣經湯山南見有物如龍頭大過於牛兩角白髯自山而下若赴海者兵驚仆半晌始甦已不見

山無虎萬歷丁未八月有三虎踞高公山之坳叅將馬如錦檄前左二營兵擒捕縱火焚其窟二虎上山逸去一虎落坡間初稍卑伏旋以首據地作威風大作衆以鎗斃之昇入城犬驚嗥絆馬裂韁而去

天啟甲子春陳山忽出三虎爲民害兵憲檄千戶所督兵捕之兵爲虎殺者二傷者五六而僅獲其一

市人金大鼎居北門遇一犬嚙其足者三金怒呼主人曰汝畜惡犬害我不早除我鳴官也至晚金夢犬作人言曰我王四也二十年前與若同爲書辦若中我法死不瞑目今相遇正我洩

寃時也金大驚追思往事不謬翌日具享儀往拜犬怒不食見金猶作嚙狀乃禮懺施食數年不敢過其道

嘉靖三十二年倭犯乍浦總督胡公梅林按平湖有大魚浮海至乍浦身高於城數日不去公爲文祭之乘潮逝後公督兵海戰倭順流勢不能當有物如墻中斷倭舟公視之魚也乃知卽向所祭者

平湖縣志
卷三 外志 叢說 三
萬歷間有巨魚乘潮來至雅山迤西陷沙中長二十丈撐其口可容人出入嚙割之聲如雷有琢其骨以爲臼者鱗如大竹箬根有數白莖若筍鬚

萬歷二年春有巨鳥從海南來大如舟翅如車輪空濛中作風雨聲

崇禎三年八月海上漁者獲大龜徑六尺許叅將蔡封山令縱之海

新帶鎮東南果圩民劉乙妻某氏乙酉歲土寇猖獗乙被擊斷其右臂絕而復甦泣與婦訣曰

我臂斷不能耕且貧無子非行乞無以終身爾
年尙少可別嫁毋相誤也婦驚曰子雖廢人我
獨不能求食活汝乎毋多言有死無二遂貨其
機杼什物得數金買一小舟移家其中載夫行
乞于市市人義之多所施與婦得錢米卽換鹽
至鹽貴處又易米收餘息以贍後數年乙能以
左手搖櫓每從烟水蒼茫間望櫓在船後獨運
左手吶啞而至者不問知爲劉乙夫婦也當風
日晴美泊舟汀渚濁酒一壺欣然對酌時往來
平江苕霅間或一歲數見或歲一見庚戌春夫
婦皆皓首今不知其所終

平湖縣志

卷二十

外志

叢說

三

乍浦登岸督撫令本身及兵丁器械俱送至省
候

旨定奪十八年兵部尙書蘇會同總督趙提督田親臨

遷界以非衝要只立界海塘外禁民捕魚康熙
八年撤去前立邊界許民居住十一年少弛海
禁准令沿海漁民木筏採捕十三年閩叛禁海

二十二年復禁乘筏插扞二十三年三月奉
旨開海令民成造五百石沙船出洋貿捕輸稅

陸文學德原止一子艱于得孫因虔行功過格
康熙甲辰赴杭于望仙橋下拾得遺金約二兩
許候還不至欲歸寓午餐又恐其人或來忍饑
以待薄暮有踉蹌號哭徧覓于途而過者叩其
數適相當也究所需則賣豕殮親且將鬻女以
殯也亟還之復解贈三金戒勿鬻夜夢一神語
之曰汝應無後此一事所全實多可如願矣尋
舉一孫熿入太學

平湖縣志

卷三

外志

叢說

三

飛錫庵東有金文獻者卒年六十有三瀕小殮
遍體忽涌蓮花枝葉分明甚爲鮮艷所焚衣衾
處灰飛隕地俱成朵朵香蓮聚觀者莫不驚歎
感化蓋由其生平敦倫樂善濟難扶傾途遇零
磚片碗亦必拾貯囊中以覆遺骸之暴露者卽
易簣時猶以恤佃蠲逋爲囑子若孫迄今守之
弗衰

署邑篆石門王丞某適公出盜犯數輩破械逸

倉皇紆道出南郭門遇之者皆爲所傷至新橋
逢醉人以槌猛禦却走隨有捕役營兵夾擊俱
就擒時康熙丙寅四月七日也

楊閣學瑄幼聘吳氏瑄弱冠登賢書吳翁以女
足疾請解姻瑄不可琴瑟甚篤後瑄以調誤安
置遼陽夫人當偕去有議以婢代者夫人亦不
可同赴貶所數年瑄以獻賦歸起原官終身不
畜婢妾

陸稼書爲嘉定令有瞽者詣案自陳曰聰明正
直謂之神公卽神也我不幸兩目無見特乞公
一字批斷來生作有目人地下冥王必不違公
言耳稼書笑而允之後擢御史罷官歸著書自
娛康熙乙亥冬並無疾苦午倦臥床口喃喃若
與人談者有頃呼其家人曰忠愍公在此交代
遂閉目而逝空中簫鼓喧闐合村無不共聞歿
後寂然矣

陸亮周居新倉康熙初歲祲有菱湖人持五百
金來糴舟次廣陳爲饑民所掠其人踉蹌訴於

亮周冀資之路費亮周遣訪得實出橐中金如數償之其人感涕願受半亮周曰我以此金賑我鄉耳汝遠賈豈可虧本後其人每至湖必以菜果饋識弗諼焉亮周子元一少年舉於鄉乍浦諸山頂平少峰康熙戊辰僧戒律擬建塔湯山之巔啟土築基有珠細而脆頗多因名普珠塔守備柴京澤阻之不果立塔基尋毀拆乾隆丁亥卽塔基建奎星閣

康熙癸亥秋連日東北風大作海水縮苦竹山外十餘里見石子街彷彿有居民遺跡枯楊竹根俱未壞有拾得五銖錢者雍正八年六月旣望潮退復見石路有瓷碗古鏡井磚等物沙平且堅舊有鐵版沙之說信然

康熙五十六年頒發兩熟稻於各省州縣試種植之名曰

御稻旋以土性非宜止能一熟遂卽報罷

雍正庚戌海防同知張若震建公署掘得鐵砲二十四具貯庫

乾隆元年冬有鳥蔽天而來聲如潮涌暮則自東南至西北朝則自西北至東南有墜者形似野鴨次年二月始止

乾隆壬午正月十二日乍浦海口有巨魚追樵舟而來榜人捩舵斜趣時值潮落魚直上閣於龍王堂之沙塗陷入數尺首尾修十丈有奇黑色無鱗自口至腮徑丈自脊至腹高二丈土人謀刳之卜於龍神吉乃礪斧先斷其尾懼其潮長逸也魚負痛吼聲如牛鼻氣衝沙沙爲開旣

而羣鬻割之脊以下脂二寸餘乃見肉肉殷紅多筋絡不腥腹白有紋如蟹臍脊骨正方中實析其節大逾白目眶如栲栳舌甚長上齶叢生黃刺約五寸許十七日吳佑市其骨撥棹去其秋大水

顧憑易居乍浦東門外乾隆二十五年二月十九日爲百齡初度有司將詳請建百歲坊先誕辰三日無疾而卒

羅模字鳴一居西門外艱苦力學年五十三猶

因童子試戊戌夏學使者彭元瑞拔補弟子員
覆校日中暑疾卒使者弔以文曰人生哀樂如
飈轉輪賀者在室弔者在門炎官火繖厥威何
虐本自孤寒寧堪焦灼方將屬纊尙爾揮毫不
如不售數或可逃五十年來寒藿苦學十二時
中空花開落世上有人兩齋文福黃口科名白
頭令僕獨汝偏窮一衿命畢何以解之莊生齊
物一日之知浮屠三宿不待秋風文章已哭
青龍橋地接泖湖水勢激湍向駕以木時建時

平湖縣志

卷二

外志

叢說

三

毀乾隆壬辰陸萬齡之妻張氏捐資易以石氏
寡居老而盲建橋後目漸明年今八十三康健
善飯

